

অযাচিত ।

চলেছিল পথে পথিক জনেক
বিশ্বদেবের মান্দরে,
কাতরে ভাকিল ভিক্ষুক এক
ভিক্ষার কিছু তরে ।
না গুনিয়া কুথা চলিল পথিক
যথা আছে দেবালয়,
গিয়া তথা স্বরা দেখে বিশ্বয়ে
রঞ্জিত আসন শূন্যময় ।
ছুটিল পথিক র'হি ক্ষণতরে.
আঁখি দুটি হতে অশ্রুজল ঝরে
সখেন্দে ফুকারি,—কি করেছি আমি
পাইয়া তাঁহারে ঠেলিছ দূরে ।

শ্রীমন্তোষকুমার বন্দ্যোপাধ্যায়
দ্বিতীয় বার্ষিক, শ্রেণী “এ” শাখা ।

স্মৃতি ।

(পরলোকবাসীর উদ্দেশ্য)

কে আজ আমার আঁখি হ'তে ঘুমটি নিল কেড়ে .
উঠল কেঁদে পরাণ আমার আজকে ক্রাহার তরে ?
মীরব বীণায় আজকে আমার দিল কেঁপে তান ?
জাগল মনে স্মৃতিটি কার আকুল করা প্রাণ !

এই নিশীথে সবাই ঘুমায় জেগে শুধু আমি,
বইছে বাতাস ধীরে ধীরে কণেক খামি খামি,
কিসের তরে আঁখি জলে ভাসছে আমার বয়ান ?
জাগল মনে স্মৃতিটি কার ব্যাকুল করা প্রাণ !

উদাস ভাবে চেয়ে আমি আছি টাদের পানে,
ভাসছে কতই অতীত কথা আমার পরাণে,
হৃদয় মাঝে জাগছে আমার স্মৃতিবিষাদ গান,
জাগল মনে স্মৃতিটি কার উদাস করা প্রাণ !